

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Broj: T04 0 KTKV 0027539 19
Zenica, 07.12.2021. godine

KANTONALNI SUD ZENICA
Sudija za prethodno saslušanje
ZENICA

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

1. MUJEZINOVIĆ ZAIMA, iz Zenice, neosuđivan
2. ŠABIĆ NERMINA, iz Zenice, neosuđivan
3. PORČA ALIJE, iz Zenice, neosuđivan,
4. ISLAMOVIĆ MUAMERA, iz Zenice, neosuđivan,
5. NUHAGIĆ ADNANA, iz Zenice, neosuđivan,
6. KRUŠKO SENADA, iz Zenice, neosuđivan,
7. DEMIRI ASIMA, iz Zenice, osuđivan,
8. STAPIĆ ZORANA, iz Zenice, neosuđivan,
9. DŽIDIĆ AMIRA, iz Zenice, neosuđivan,

Što su:

I MUJEZINOVIĆ ZAIM, KRUŠKO SENAD, DEMIRI ASIM i STAPIĆ ZORAN

U vremenskom periodu od 04.05.2005. godine do 19.08.2010. godine u Zenici, Mujezinović Zaim u svojstvu odgovorne osobe, kao v.d. direktora Udruženja građana „NK Čelik“ Zenica (UG NK Čelik), na koju poziciju je imenovan prema Rješenju Ministarstva za pravosuđe i upravu Zeničko – dobojskog kantona broj: ... od 04.05.2005. godine,

ne obavivši svoje službene dužnosti propisane u članu 29. do 36. Statuta UG NK Čelik broj: 35/05 od 14.01.2005. godine i u članu 28. do 35. Statuta UG NK Čelik broj: 1213/2010 od 29.06.2010. godine, prema kojim odredbama direktor kluba odgovara za zakonitost rada kluba, zatim da direktor kluba nije dužan postupiti po nalogima, uputstvima i preporukama Upravnog odbora (UO) UG NK Čelik koja nisu u skladu sa zakonom, statutom i opštim aktima kluba, kao i to da odlučuje o zasnivanju i prestanku radnog odnosa i ostvarivanju pojedinačnih prava i obaveza iz radnog odnosa lica na profesionalnom radu u klubu u skladu sa zakonom, kolektivnim ugovorom i opštim aktima kluba,

nanio štetu budžetu Federacije Bosne i Hercegovine (F BiH), vanbudžetskim fondovima F BiH i budžetu ZDK i istovremeno pribavio imovinsku korist UG NK Čelik,

sve na način da je znajući da je UG NK Čelik konstantno stvaralo dug po osnovu javnih prihoda koji proističu iz obračunatih a neplaćenih poreza na platu i poreza na dohodak kao i doprinosa na i iz plata za obavezno penziono, zdravstveno i osiguranje od nezaposlenosti, koji su propisani tada važećim Zakonom o porezu na platu F BiH, Zakonom o porezu na dohodak F BiH i Zakonom o doprinosima F BiH, i koji dug se za vrijeme njegovog mandata povećao za iznos od 1.314.837,60 KM (313.720,49 KM poreza i doprinosa od nesamostalne djelatnosti i 1.001.117,11 KM od samostalne djelatnosti), zbog čega su i bili blokirani transakcijski računi UG NK Čelik koji su bili otvoreni u tadašnjoj Investiciono – komercijalnoj banci d.d. Zenica, transakcijski račun broj: ..., koji je blokirana dana 09.06.2005. godine, kao i u Sparkasse banci d.d. BiH, transakcijski račun broj: 1... koji je blokirana dana 03.03.2009. godine, konstanto za vrijeme svog mandata stavljao sve druge povjeritelje u povoljniji položaj u odnosu na Poreznu upravu F BiH koja je imala prioritet naplate dospjelih potraživanja u odnosu na sve druge povjeritelje, između ostalog i prema članu 15. Zakona o finansijskom poslovanju F BiH („Sl. novine F BiH“ broj 2/95, 13/00 i 29/00) i tako svjestan postojanja dugova po osnovu javnih prihoda i svjestan da su isti prioritetni za naplatu te da njihovim neplaćanjem čini štetu budžetu F BiH, vanbudžetskim fondovima F BiH i budžetu ZDK i pribavlja korist UG NK Čelik, što je i htio, zaključivao niz ugovora sa igračima, članovima stručnih štabova, drugim fizičkim i pravnim licima i drugim dobavljačima, te svjesno organizovao provođenje kompletnog platnog prometa UG NK Čelik isključivo preko blagajne, onemogućivši na taj način Poreznu upravu F BiH da naplati svoja potraživanja, i to na način da je,

najprije dana 01.09.2005. godine zaključen Ugovor o poslovno tehničkoj saradnji između UG NK Čelik i Udruženja građana „FK Čelik 1945“ (UG FK Čelik 1945) broj 13/2005, odnosno 2584/05, koji je ispred UG FK Čelik 1945 potpisao tadašnji predsjednik tog udruženja Kruško Senad, na koji način je isti Mujezinović Zaimu na raspolaganje stavio transakcijski račun tog udruženja, otvoren kod tadašnje Investiciono-komercijalne banke d.d. Zenica, koji nije bio blokirana, a potom i dana 19.01.2006. godine dao ovlaštenje Mujezinović Zaimu za sklapanje ugovora za reklamno propagandne usluge i ugovore s igračima za navodne potrebe UG FK Čelik 1945 za koje vrijeme je Mujezinović Zaim obavljao poslove člana upravnog odbora UG FK Čelik 1945, svjestan da na taj način omogućava nesmetan priliv sredstava namijenjenih UG NK Čelik od različitih izvora uključujući i prilive putem ugovora o cesiji na koji način su kupci UG NK Čelik svoje obaveze bezgotovinski uplaćivali na neblokirani transakcijski račun UG FK Čelik 1945, s kojeg su dalje vršene bezgotovinske uplate za obaveze UG NK Čelik dok je preostali dio sredstava putem čeka (u gotovini) sukcesivno podizana sa tog računa i uplaćivana u blagajnu UG NK Čelik ili je s tog računa vršeno bezgotovinsko plaćanje dospjelih obaveza za UG NK Čelik, a sve po nalogima Kruško Senada, predsjednika UG FK Čelik 1945 u periodu od 03.03.2006. godine do 08.10.2008. godine, koji je znao da ne postoji nikakav dužničko – povjerilački odnos između ta dva Udruženja, a u periodu od 08.10.2008. godine do 31.12.2010. godine po nalogima od strane Asima Demirija koji je u tom vremenskom periodu de facto obavljao poslove predsjednika UG FK Čelik 1945, koji je također znao da ne postoji nikakav dužničko – povjerilački odnos između ta dva udruženja, na

koji način je ostvaren priliv u blagajnu UG NK Čelik preko uplata od strane UG FK Čelik 1945 u ukupnom iznosu od 1.276.211,69 KM,

a isto tako, nakon što je UO UG NK Čelik na sjednici održanoj 31.01.2009. godine donio odluku o formiranju Udruženja građana „Škola nogometa NK Čelik“ (UG Škola nogometa NK Čelik), istog dana zaključen je Ugovor o poslovno-tehničkoj saradnji između UG NK Čelik i UG Škola nogometa NK Čelik broj: ... koji je ispred UG Škola nogometa NK Čelik potpisao tadašnji predsjednik udruženja Stapić Zoran, na koji način je isti na raspolaganje stavio transakcijski račun tog udruženja otvoren kod Investiciono-komercijalne banke d.d. Zenica koji nije bio blokiran i koje udruženje je iskorišteno na isti način kao i UG FK Čelik 1945, tako što je omogućen nesmetan priliv sredstava namijenjenih UG NK Čelik od različitih izvora, na račun tog novoformiranog udruženja koji nije bio blokiran i koja sredstva su potom putem čeka (u gotovini) sukcesivno podizana sa tog računa i uplaćivana u blagajnu UG NK Čelik ili je s tog računa vršeno bezgotovinsko plaćanje dospjelih obaveza za UG NK Čelik a sve po nalogu predsjednika UG Škola nogometa NK Čelik Stapić Zorana, koji je znao da ne postoji nikakav dužničko – povjerilački odnos između ta dva udruženja na koji način je ostvaren priliv u blagajnu UG NK Čelik preko uplata od strane UG Škola nogometa NK Čelik u ukupnom iznosu od 47.200,00 KM, što sveukupno iznosi 1.323.411,69 KM,

kao i prilivi od donacija, zakupnina poslovnih prostora, uplata od tombola, primljenih pozajmica, te drugih uplata od reklama, prodaje igrača i po drugim osnovama, tako da je za vrijeme njegovog mandata u blagajnu UG NK Čelik ukupno uplaćeno gotovog novca u ukupnom iznosu od 6.282.094,11 KM,

a koji iznosi su prema odredbama Zakona o finansijskom poslovanju F BiH, Zakona o unutrašnjem platnom prometu F BiH i Zakona o platnim transakcijama F BiH, morali biti uplaćeni isključivo na gore navedene transakcijske račune sa kojih bi se po prioritetima izvršilo plaćanje obaveza po osnovu javnih prihoda, ali iako je znao za tu činjenicu, novac je ostajao u blagajni UG NK Čelik, te je sukcesivno nalagao odgovornim osobama u UG NK Čelik da se prema svim drugim povjeriteljima, osim Porezne uprave F BiH vrši plaćanje gotovim novcem obaveza koje su nastale po raznim vrstama ugovora i to za plaće zaposlenicima, naknade igračima i stručnom štabu, po ugovorima o djelu i ugovorima o privremenim i povremenim poslovima, isplate sudijama, redarima, medicinskom osoblju, obezbjeđenju, povrat pozajmica, te obaveza prema raznim dobavljačima u sveukupnom iznosu od 6.290.765,44 KM, a putem cesija i kompenzacija u ukupnom iznosu od 1.177.745,16 KM, u tom dijelu postupajući suprotno članu 12. stav 3. Zakona o finansijskom poslovanju koji zabranjuje izmirivanje međusobnih obaveza pravnom licu prebijanjem, kao ni na druge načine predviđene propisima o obligacionim odnosima, što sve ukupno iznosi 7.468.510,60 KM,

na koji način je ovakvim poslovanjem, isključivo putem blagajne i putem obračunskog plaćanja (kompenzacije i cesije) za vrijeme svog mandata oštetio budžet F BiH, vanbudžetske fondove F BiH i budžet ZDK kroz neplaćene obaveze po osnovu doprinosa na i iz dohotka i porez na dohodak u ukupnom iznosu od 313.720,49 KM, te neplaćene obaveze po osnovu poreza i doprinosa iz ugovora o djelu i ugovoru o privremenim i povremenim poslovima u ukupnom iznosu od 1.001.117,11 KM, što sve ukupno iznosi 1.314.837,60 KM i na koji način je istovremeno pribavio imovinsku korist UG NK Čelik u istom iznosu,

Dakle, Mujezinović Zaim kao odgovorna osoba u Federaciji ne obavivši svoje službene dužnosti, drugom naneo imovinsku štetu i drugom pribavio imovinsku korist koja prelazi 50.000,00 KM, a Kruško Senad, Demiri Asim i Stapić Zoran mu pomogli.

II ŠABIĆ NERMIN, DEMIRI ASIM, STAPIĆ ZORAN I DŽIDIĆ AMIR

U vremenskom periodu od 13.10.2010 do 01.12.2011. godine u Zenici, Šabić Nermin u svojstvu odgovorne osobe, kao v.d. direktora UG NK Čelik, na koju poziciju je imenovan prema Rješenju Ministarstva za pravosuđe i upravu Zeničko – dobojskog kantona broj: ... od 13.10.2010. godine,

ne obavivši svoje službene dužnosti propisane u članu 28. do 35. Statuta UG NK Čelik broj: 1213/2010 od 29.06.2010. godine, prema kojim odredbama direktor kluba odgovara za zakonitost rada kluba, zatim da direktor kluba nije dužan postupiti po nalogima, uputstvima i preporukama UO UG NK Čelik koja nisu u skladu sa zakonom, statutom i opštim aktima kluba, kao i to da odlučuje o zasnivanju i prestanku radnog odnosa i ostvarivanju pojedinačnih prava i obaveza iz radnog odnosa lica na profesionalnom radu u klubu u skladu sa zakonom, kolektivnim ugovorom i opštim aktima kluba,

nanio štetu budžetu Federacije Bosne i Hercegovine (F BiH), vanbudžetskim fondovima F BiH i budžetu ZDK i istovremeno pribavio imovinsku korist UG NK Čelik,

sve na način da je znajući da je UG NK Čelik konstantno stvaralo dug po osnovu javnih prihoda koji proističu iz obračunatih a neplaćenih poreza na platu i poreza na dohodak kao i doprinosa na i iz plata za obavezno penziono, zdravstveno i osiguranje od nezaposlenosti, koji su propisani tada važećim Zakonom o porezu na platu F BiH, Zakonom o porezu na dohodak F BiH i Zakonom o doprinosima F BiH, i koji dug se za vrijeme njegovog mandata povećao za iznos od 185.392,56 KM (61.973,41 KM poreza i doprinosa od nesamostalne djelatnosti i najmanje 123.419,15 KM od samostalne djelatnosti), znajući da su prethodno zbog toga bili blokirani transakcijski računi UG NK Čelik koji su bili otvoreni u tadašnjoj Investiciono – komercijalnoj banci d.d. Zenica, transakcijski račun broj: ..., koji je blokirano dana 09.06.2005. godine, kao i u Sparkasse banci d.d. BiH, TR broj: ... KM koji je blokirano dana 03.03.2009. godine, konstanto za vrijeme svog mandata stavljao sve druge povjeritelje u povoljniji položaj u odnosu na Poreznu upravu F BiH koja je imala prioritet naplate dospjelih potraživanja u odnosu na sve druge povjeritelje, između ostalog i prema članu 15. Zakona o finansijskom poslovanju F BiH („Sl. novine F BiH“ broj 2/95, 13/00 i 29/00) i tako svjestan postojanja dugova po osnovu javnih prihoda i svjestan da su isti prioritetni za naplatu te da njihovim neplaćanjem čini štetu budžetu F BiH, vanbudžetskim fondovima F BiH i budžetu ZDK i pribavlja korist UG NK Čelik, što je i htio, zaključivao niz ugovora sa igračima, članovima stručnih štabova, drugim fizičkim i pravnim licima i drugim dobavljačima, te svjesno nastavio provođenje kompletnog platnog prometa UG NK Čelik isključivo preko blagajne i to na način da je

Demiri Asim kao de facto predsjednik UG FK Čelik 1945 stavio na raspolaganje transakcijski račun tog udruženja, otvoren kod tadašnje Investiciono-komercijalne banke d.d. Zenica, koji nije bio blokirano svjestan da na taj način omogućava nesmetan priliv sredstava namijenjenih UG NK Čelik od različitih izvora, koja sredstva su potom po njegovim nalogima putem čeka (u gotovini) sukcesivno podizana sa tog računa i po njegovim nalogima uplaćivana u blagajnu UGNK Čelik, ili je s tog računa vršeno bezgotovinsko plaćanje dospjelih obaveza za UG NK Čelik, iako je znao da ne postoji nikakav dužničko – povjerilački odnos između ta dva udruženja, na koji način je ostvaren priliv u blagajnu UG NK Čelik preko uplata od strane UG FK Čelik 1945 u ukupnom iznosu od 600,00 KM,

a isto tako Stapić Zoran kao predsjednik UG Škola nogometa NK Čelik do 09.05. 2011. godine, a potom i Amir Džidić predsjednik UG Škola nogometa NK Čelik od 19.05.2011. godine pa do kraja mandata Šabića Nermina, stavili na raspolaganje transakcijski račun tog udruženja koji nije bio blokirano, svjesni da na taj način omogućavaju nesmetan priliv sredstava namijenjenih UG NK Čelik od različitih izvora, koja sredstva su potom po nalogima predsjednika Stapić Zorana do 09.05.2011. godine, odnosno Džidić Amira od 19.05.2011. godine pa do kraja mandata Šabić Nermina, putem čeka (u gotovini)

sukcesivno podizana sa tog računa i uplaćivana u blagajnu UG NK Čelik ili je s tog računa vršeno bezgotovinsko plaćanje dospjelih obaveza za UG NK Čelik, iako su znali da ne postoji nikakav dužničko – povjerilački odnos između ta dva udruženja, na koji način je ostvaren priliv u blagajnu UG NK Čelik preko uplata od strane UG Škola nogometa NK Čelik u ukupnom iznosu od 246.299,43 KM, što sveukupno iznosi 246.899,43 KM,

kao i prilivi od donacija, zakupnina poslovnih prostora, uplata od tombole 328.868,50 KM, primljenih pozajmica, te drugih uplata od reklama, prodaje igrača i po drugim osnovama, tako da je za vrijeme njegovog mandata u blagajnu UG NK Čelik ukupno uplaćeno gotovog novca u ukupnom iznosu od 1.305.796,98 KM,

a koji iznosi su prema odredbama Zakona o finansijskom poslovanju FBiH, Zakona o unutrašnjem platnom prometu FBiH i Zakona o platnim transakcijama FBiH, morali biti uplaćeni na gore navedene transakcijske račune sa kojih bi se po prioritetima izvršilo plaćanje obaveza za javne prihode, ali, iako je znao za tu činjenicu, novac je ostajao u blagajni UG NK Čelik, te je sukcesivno nalagao odgovornim osobama u UG NK Čelik da se prema svim drugim povjerenjima osim Porezne uprave F BiH izvrši isplata obaveza koje su nastale po raznim vrstama ugovora i to za plaće zaposlenicima, naknade igračima i stručnom štabu, po ugovorima o djelu i ugovorima o privremenim i povremenim poslovima, isplate sudijama, redarima, medicinskom osoblju, obezbjeđenju, povrat pozajmica, obaveze prema raznim dobavljačima koje su izvršavane isplatama s blagajne u ukupnom iznosu od 1.303.206,62 KM, a putem cesija i kompenzacija u ukupnom iznosu od 227.556,56 KM u tom dijelu postupajući suprotno članu 12. stav 3. Zakona o finansijskom poslovanju koji zabranjuje izmirivanje međusobnih obaveza pravnom licu prebijanjem, kao ni na druge načine predviđene propisima o obligacionim odnosima, što sve ukupno iznosi 1.530.763,18 KM,

na koji način je, ovakvim poslovanjem, isključivo putem blagajne i putem obračunskog plaćanja (kompenzacije i cesije) za vrijeme svog mandata ošteti budžet F BiH, vanbudžetske fondove F BiH i budžet ZDK kroz neplaćene obaveze po osnovu doprinosa na i iz dohotka i porez na dohodak u ukupnom iznosu od 61.973,41 KM, te neplaćene obaveze po osnovu poreza i doprinosa iz ugovora o djelu i ugovoru o privremenim i povremenim poslovima u ukupnom iznosu od 123.419,15 KM, što sve ukupno iznosi 185.392,56 KM, i na koji način je istovremeno UG NK Čelik pribavio imovinsku korist u istom iznosu,

Dakle, Šabić Nermin kao odgovorna osoba u Federaciji ne obavivši svoje službene dužnosti, drugom naneo imovinsku štetu i drugom pribavio imovinsku korist koja prelazi 50.000,00 KM, a Demiri Asim, Stapić Zoran i Džidić Amir mu pomogli,

III PORČA ALIJA I DŽIDIĆ AMIR

U vremenskom periodu od 01.12.2011. do 17.07.2014. godine u Zenici, Alija Porča u svojstvu odgovorne osobe, kao v.d. direktora UG NK Čelik, na koju poziciju je imenovan prema Rješenju Ministarstva za pravosuđe i upravu Zeničko – dobojskog kantona broj: ... od 01.12.2011. godine,

ne obavivši svoje službene dužnosti propisane u članu 28. do 35. Statuta UG NK Čelik broj: 1213/2010 od 29.06.2010. godine i u članu 33. do 40. Statuta UG NK Čelik broj: 1112/12 od 20.06.2012. godine, prema kojim odredbama direktor kluba odgovara za zakonitost rada kluba, zatim da direktor kluba nije dužan postupiti po nalogima, uputstvima i preporukama UO UG NK Čelik koja nisu u skladu sa zakonom, statutom i opštim aktima kluba, kao i to da odlučuje o zasnivanju i prestanku radnog odnosa i ostvarivanju pojedinačnih prava i obaveza iz radnog odnosa lica na profesionalnom radu u klubu u

skladu sa zakonom, kolektivnim ugovorom i opštim aktima kluba, odgovara za finansijsko poslovanje kluba,

nanio štetu budžetu F BiH, vanbudžetskim fondovima F BiH i budžetu ZDK i istovremeno pribavio imovinsku korist UG NK Čelik,

sve na način da je znajući da je UG NK Čelik konstantno stvaralo dug po osnovu javnih prihoda koji proističu iz obračunatih a neplaćenih poreza na platu i poreza na dohodak kao i doprinosa na i iz plata za obavezno penziono, zdravstveno i osiguranje od nezaposlenosti, koji su propisani tada važećim Zakonom o porezu na platu F BiH, Zakonom o porezu na dohodak F BiH i Zakonom o doprinosima F BiH, i koji dug se za vrijeme njegovog mandata povećao za iznos od 403.755,78 KM (170.680.38 KM poreza i doprinosa od nesamostalne djelatnosti i najmanje 233.075,40 KM od samostalne djelatnosti), znajući da su prethodno zbog toga bili blokirani transakcijski računi UG NK Čelik koji su bili otvoreni u tadašnjoj Investiciono – komercijalnoj banci d.d. Zenica, transakcijski račun broj: ..., koji je blokirano dana 09.06.2005. godine, kao i u Sparkasse banci d.d. BiH, transakcijski račun broj: ... koji je blokirano dana 03.03.2009. godine, konstanto za vrijeme svog mandata stavljao sve druge povjeritelje u povoljniji položaj u odnosu na Poreznu upravu F BiH koja je imala prioritet naplate dospjelih potraživanja u odnosu na sve druge povjeritelje, između ostalog i prema članu 15. Zakona o finansijskom poslovanju F BiH („Sl. novine FBiH“ broj 2/95, 13/00 i 29/00) i tako svjestan postojanja dugova po osnovu javnih prihoda i svjestan da su isti prioritetni za naplatu te da njihovim neplaćanjem čini štetu budžetu F BiH, vanbudžetskim fondovima F BiH i budžetu ZDK i pribavlja korist UG NK Čelik, što je i htio, zaključivao niz ugovora sa igračima, članovima stručnih štabova, drugim fizičkim i pravnim licima i drugim dobavljačima, te svjesno nastavio provođenje kompletnog platnog prometa UG NK Čelik isključivo preko blagajne, onemogućivši na taj način Poreznu upravu F BiH da naplati svoja potraživanja i to na način da je,

Amir Džidić, predsjednik UG Škola nogometa NK Čelik stavio na raspolaganje transakcijske račune tog udruženja, otvorene kod tadašnje Investiciono-komercijalne banke d.d. Zenica i Union banke d.d. Sarajevo, koji nisu bili blokirani, te dana 01.08.2012. godine zaključio Ugovor o saradnji između UG NK Čelik i UG Škola nogometa NK Čelik broj 03-1216/2012 (broj UG NK Čelik), odnosno broj ...(broj UG Škole nogometa NK Čelik) koji je u ime UG NK Čelik potpisao direktor Alija Porča, a u ime UG Škole nogometa NK Čelik Amir Džidić, predmet kojeg ugovora je bila realizacija autorskih prava za prenos utakmica UG NK Čelik u kojem je, između ostalog, ugovoreno da će UG Škola nogometa NK Čelik primati uplate po zaključenim ugovorima o prodaji autorskih prava u ime UG NK Čelik, svjestan da na taj način omogućava nesmetan priliv sredstava namijenjenih UG NK Čelik od različitih izvora, koja sredstva su potom po nalogima predsjednika tog udruženja Džidić Amira putem čeka (u gotovini) sukcesivno podizana sa tog računa i po njegovim nalogima uplaćivana u blagajnu UG NK Čelik, ili je s tog računa vršeno bezgotovinsko plaćanje dospjelih obaveza za UG NK Čelik, iako je znao da ne postoji nikakav dužničko – povjerilački odnos između ta dva udruženja, na koji način je ostvaren priliv u blagajnu UG NK Čelik preko uplata od strane UG Škola nogometa NK Čelik u ukupnom iznosu od 898.673,75 KM,

kao i prilivi od donacija, zakupnina poslovnih prostora, uplata od tombola, primljenih pozajmica, te drugih uplata od reklama, prodaje igrača i po drugim osnovama, tako da je za vrijeme njegovog mandata u blagajnu UG NK Čelik ukupno uplaćeno gotovog novca u ukupnom iznosu od 2.312.431,53 KM,

a koji iznosi su prema odredbama Zakona o finansijskom poslovanju F BiH, Zakona o unutrašnjem platnom prometu F BiH i Zakona o platnim transakcijama F BiH, morali biti uplaćeni na gore navedene transakcijske račune sa kojih bi se po prioritetima izvršilo plaćanje obaveza po osnovu javnih prihoda,

ali iako je znao za tu činjenicu, novac je ostajao u blagajni UG NK Čelik, te je sukcesivno nalagao odgovornim osobama UG NK Čelik da se prema svim drugim povjeriteljima osim Porezne uprave F BiH vrši plaćanje gotovim novcem obaveza koje su nastale po raznim vrstama ugovora i to za plaće zaposlenicima, naknade igračima i stručnom štabu, po ugovorima o djelu i ugovorima o privremenim i povremenim poslovima, isplate sudijama, redarima, medicinskom osoblju, obezbjeđenju, povrat pozajmica, te obaveze prema raznim dobavljačima u ukupnom iznosu od 2.308.328,39 KM, a putem cesija i kompenzacija u ukupnom iznosu od 297.063,88 KM, u tom dijelu postupajući suprotno članu 12. stav 3. Zakona o finansijskom poslovanju koji zabranjuje izmirivanje međusobnih obaveza pravnom licu prebijanjem, kao ni na druge načine predviđene propisima o obligacionim odnosima, što sve ukupno iznosi 2.605.392,27 KM,

na koji način je ovakvim poslovanjem, isključivo putem blagajne i putem obračunskog plaćanja (kompenzacije i cesije) za vrijeme svog mandata oštetiio budžet F BiH, vanbudžetske fondove F BiH i budžet ZDK kroz neplaćene obaveze po osnovu doprinosa na i iz dohotka i porez na dohodak u ukupnom iznosu od 170.680,38 KM, te neplaćene obaveze po osnovu poreza i doprinosa iz ugovora o djelu i ugovoru o privremenim i povremenim poslovima u ukupnom iznosu od 233.075,40 KM, što sve ukupno iznosi 403.755,78 KM i na koji način je istovremeno UG NK Čelik pribavio imovinsku korist u istom iznosu,

Dakle, Porča Alija kao odgovorna osoba u Federaciji ne obavivši svoje službene dužnosti, drugom nanio imovinsku štetu i drugom pribavio imovinsku korist koja prelazi 50.000,00 KM, a Džidić Amir mu pomogao

IV ISLAMOVIĆ MUAMER, DŽIDIĆ AMIR

U vremenskom periodu od 17.07.2014 do 25.02.2015. godine u Zenici, Islamović Muamer u svojstvu odgovorne osobe, kao v.d. direktora UG NK Čelik, na koju poziciju je imenovan prema Rješenju Ministarstva za pravosuđe i upravu Zeničko – dobojskog kantona broj: ... od 17.07.2014. godine,

ne obavivši svoje službene dužnosti propisane u članu 33. do 40. Statuta UG NK Čelik broj: 1112/12 od 20.06.2012. godine, prema kojim odredbama direktor kluba odgovara za zakonitost rada kluba, zatim da direktor kluba nije dužan postupiti po nalogima, uputstvima i preporukama UO UG NK Čelik kluba koja nisu u skladu sa zakonom, statutom i opštim aktima kluba, kao i to da odlučuje o zasnivanju i prestanku radnog odnosa i ostvarivanju pojedinačnih prava i obaveza iz radnog odnosa lica na profesionalnom radu u klubu u skladu sa zakonom, kolektivnim ugovorom i opštim aktima kluba, odgovara za finansijsko poslovanje kluba,

nanio štetu budžetu F BiH, vanbudžetskim fondovima F BiH i budžetu ZDK i istovremeno pribavio imovinsku korist UG NK Čelik,

sve na način da je znajući da je UG NK Čelik konstantno stvaralo dug po osnovu javnih prihoda koji proističu iz obračunatih a neplaćenih poreza na platu i poreza na dohodak kao i doprinosa na i iz plata za obavezno penziono, zdravstveno i osiguranje od nezaposlenosti, koji su propisani tada važećim Zakonom o porezu na platu F BiH, Zakonom o porezu na dohodak F BiH i Zakonom o doprinosima F BiH, i koji je za vrijeme njegovog mandata povećan za iznos od 125.699,94 KM (50.457,43 KM poreza i doprinosa od nesamostalne djelatnosti i najmanje 75.242,51 KM od samostalne djelatnosti), znajući da su prethodno zbog toga bili blokirani transakcijski računi UG NK Čelik koji su bili otvoreni u tadašnjoj Investiciono – komercijalnoj banci d.d. Zenica, transakcijski račun broj: ..., koji je blokiran dana 09.06.2005. godine, kao i u Sparkasse banci d.d. BiH, transakcijski račun broj: ... koji je blokiran dana

03.03.2009. godine, konstanto za vrijeme svog mandata stavljao sve druge povjeritelje u povoljniji položaj u odnosu na Poreznu upravu F BiH koja je imala prioritet naplate dospjelih potraživanja u odnosu na sve druge povjeritelje, između ostalog i prema članu 15. Zakona o finansijskom poslovanju F BiH („Sl. novine F BiH“ broj 2/95, 13/00 i 29/00) i tako svjestan postojanja dugova po osnovu javnih prihoda i svjestan da su isti prioritetni za naplatu te da njihovim neplaćanjem čini štetu budžetu F BiH, vanbudžetskim fondovima F BiH i budžetu ZDK i pribavlja korist UG NK Čelik, što je i htio, zaključivao niz ugovora sa igračima, članovima stručnih štabova, drugim fizičkim i pravnim licima i drugim dobavljačima, te svjesno nastavio provođenje kompletnog platnog prometa UG NK Čelik isključivo preko blagajne, onemogućivši na taj način Poreznu upravu F BiH da naplati svoja potraživanja i to na način da je

Džidić Amir, predsjednik UG Škola nogometa NK Čelik stavio na raspolaganje transakcijske račune tog udruženja, otvorene kod tadašnje Investiciono-komercijalne banke d.d. Zenica i Union banke d.d. Sarajevo, koji nisu bili blokirani, svjestan da na taj način omogućava nesmetan priliv sredstava namijenjenih UG NK Čelik od različitih izvora, koja sredstva su potom po nalogu predsjednika Džidić Amira putem čeka (u gotovini) sukcesivno podizana sa tih računa i po njegovim nalogu uplaćivana u blagajnu UG NK Čelik, ili je s tih računa vršeno bezgotovinsko plaćanje dospjelih obaveza za UG NK Čelik, iako je znao da ne postoji nikakav dužničko – povjerilački odnos između ta dva udruženja, na koji način je ostvaren priliv u blagajnu UG NK Čelik preko uplata od strane UG Škola nogometa NK Čelik u ukupnom iznosu od 265.774,98 KM,

kao i prilivi od donacija, zakupnina poslovnih prostora, uplata od tombola, te primljenih pozajmica, drugih uplata od reklama, prodaje igrača i po drugim osnovama, tako da je za vrijeme njegovog mandata u blagajnu UG NK Čelik ukupno uplaćeno gotovog novca u ukupnom iznosu od 474.382,15 KM,

a koji iznosi su prema odredbama Zakona o finansijskom poslovanju F BiH, Zakona o unutrašnjem platnom prometu F BiH i Zakona o platnim transakcijama F BiH, morali biti uplaćeni na gore navedene transakcijske račune sa kojih bi se po prioritetima izvršilo plaćanje obaveza za javne prihode, ali iako je znao za tu činjenicu, novac je ostajao u blagajni UG NK Čelik, te je sukcesivno nalagao odgovornim osobama UG NK Čelik da se prema svim drugim povjeriteljima osim Porezne uprave F BiH izvrši isplata obaveza koje su nastale po raznim vrstama ugovora i to za plaće zaposlenicima, naknade igračima i stručnom štabu, po ugovorima o djelu i ugovorima o privremenim i povremenim poslovima, isplate sudijama, redarima, medicinskom osoblju, obezbjeđenju, povrat pozajmica, te obaveze prema raznim dobavljačima i drugim povjeriocima u ukupnom iznosu od 477.391,15 KM, a putem cesija i kompenzacija u ukupnom iznosu 110.354,17 KM suprotno članu 12. stav 3. Zakona o finansijskom poslovanju sve u ukupnom iznosu od 587.745,32 KM,

na koji način je ovakvim poslovanjem, isključivo putem blagajne i putem obračunskog plaćanja (kompenzacija i cesija) za vrijeme svog mandata oštetio budžet F BiH, vanbudžetske fondove F BiH i budžet ZDK kroz neplaćene obaveze po osnovu doprinosa na i iz dohotka i porez na dohodak u ukupnom iznosu od 50.457,43 KM, te neplaćene obaveze po osnovu poreza i doprinosa iz ugovora o djelu i ugovoru o privremenim i povremenim poslovima u ukupnom iznosu od 75.242,51 KM, što sve ukupno iznosi 125.699,94 KM i na koji način je istovremeno UG NK Čelik pribavio imovinsku korist u istom iznosu,

Dakle, Islamović Muamer kao odgovorna osoba u Federaciji ne obavivši svoje službe dužnosti, drugom nanio imovinsku štetu i drugom pribavio imovinsku korist koja prelazi 50.000,00 KM, a Džidić Amir mu pomogao

V NUHAGIĆ ADNAN, DŽIDIĆ AMIR

U vremenskom periodu od 25.02.2015. do 31.12.2016. godine u Zenici, Nuhagić Adnan u svojstvu odgovorne osobe, kao v.d. direktora UG NK Čelik, na koju poziciju je imenovan prema Rješenju Ministarstva za pravosuđe i upravu Zeničko – dobojskog kantona broj: ... od 25.02.2015. godine,

ne obavivši svoje službene dužnosti propisane u članu 33. do 40. Statuta UG NK Čelik broj: 1112/12 od 20.06.2012. godine prema kojim odredbama direktor kluba odgovara za zakonitost rada kluba, zatim da direktor kluba nije dužan postupiti po nalogima, uputstvima i preporukama UO UG NK Čelik koja nisu u skladu sa zakonom, statutom i opštim aktima kluba, kao i to da odlučuje o zasnivanju i prestanku radnog odnosa i ostvarivanju pojedinačnih prava i obaveza iz radnog odnosa lica na profesionalnom radu u klubu u skladu sa zakonom, kolektivnim ugovorom i opštim aktima kluba,

nanio štetu budžetu F BiH, vanbudžetskim fondovima F BiH i budžetu ZDK i istovremeno pribavio imovinsku korist UG NK Čelik,

sve na način da je znajući da je UO NK Čelik konstantno stvaralo dug po osnovu javnih prihoda koji proističu iz obračunatih a neplaćenih poreza na platu i poreza na dohodak kao i doprinosa na i iz plata za obavezno penziono, zdravstveno i osiguranje od nezaposlenosti, koji su propisani tada važećim Zakonom o porezu na platu F BiH, Zakonom o porezu na dohodak F BiH i Zakonom o doprinosima F BiH, i koji je za vrijeme njegovog mandata povećan za iznos od 385.033.35 KM (283.332,08 KM poreza i doprinosa od nesamostalne djelatnosti i najmanje 101.701,27 KM od samostalne djelatnosti zaključno sa 31.12.2016. godine), znajući da su prethodno zbog toga bili blokirani transakcijski računi UG NK Čelik koji su bili otvoreni u tadašnjoj Investiciono – komercijalnoj banci d.d. Zenica, transakcijski račun broj: ..., koji je blokirano dana 09.06.2005. godine, kao i u Sparkasse banci d.d. BiH, transakcijski račun broj: ... koji je blokirano dana 03.03.2009. godine, konstanto za vrijeme svog mandata stavljao sve druge povjeritelje u povoljniji položaj u odnosu na Poreznu upravu F BiH koja je imala prioritet naplate dospjelih potraživanja u odnosu na sve druge povjeritelje, između ostalog i prema članu 15. Zakona o finansijskom poslovanju F BiH („Sl. novine F BiH“ broj 2/95, 13/00 i 29/00) i tako svjestan postojanja dugova po osnovu javnih prihoda i svjestan da su isti prioritetni za naplatu te da njihovim neplaćanjem čini štetu budžetu FBiH, vanbudžetskim fondovima FBiH i budžetu ZDK i pribavlja korist UG NK Čelik, što je i htio, zaključivao niz ugovora sa igračima, članovima stručnih štabova, drugim fizičkim i pravnim licima i drugim dobavljačima, te svjesno nastavio provođenje kompletnog platnog prometa UG NK Čelik isključivo preko blagajne, onemogućivši na taj način Poreznu upravu F BiH da naplati svoja potraživanja i to na način da je,

Džidić Amir kao predsjednik UG Škola nogometa NK Čelik do 22.04.2016. godine, a potom i Mešanović Mujo predsjednik UG Škola nogometa NK Čelik od 22.04.2016. do kraja 2016. godine, stavili na raspolaganje transakcijske račune tog udruženja otvorene kod tadašnje Investiciono-komercijalne banke d.d. Zenica i Union banke d.d. Sarajevo, koji nisu bili blokirani, svjesni da na taj način omogućavaju nesmetan priliv sredstava namijenjenih UG NK Čelik od različitih izvora, koja sredstva su potom po nalogima predsjednika Džidić Amira do 22.04.2016. godine, odnosno Mešanović Muje od 22.04.2016. pa do kraja 2016. godine putem čeka (u gotovini) sukcesivno podizana sa tog računa i uplaćivana u blagajnu UG NK Čelik, ili je s tog računa vršeno bezgotovinsko plaćanje dospjelih obaveza za UG NK Čelik, iako su znali da ne postoji nikakav dužničko – povjerilački odnos između ta dva

udruženja, na koji način je ostvaren priliv u blagajnu UG NK Čelik preko uplata od strane UG Škola nogometa NK Čelik u ukupnom iznosu od 633.638,15 KM,

kao i prilivi od donacija, zakupnina poslovnih prostora, primljenih pozajmica, te drugih uplata od reklama, prodaje igrača i po drugim osnovama, tako da je za vrijeme njegovog mandata u blagajnu UG NK Čelik ukupno uplaćeno gotovog novca u ukupnom iznosu od 1.265.317,62 KM,

a koji iznosi su prema odredbama Zakona o finansijskom poslovanju F BiH, Zakona o unutrašnjem platnom prometu F BiH i Zakona o platnim transakcijama F BiH, morali biti uplaćeni na gore navedene transakcijske račune sa kojih bi se po prioritetima izvršilo plaćanje obaveza za javne prihode, ali iako je znao za tu činjenicu, novac je ostajao u blagajni UG NK Čelik, te je sukcesivno nalagao odgovornim osobama UG NK Čelik da se prema svim drugim povjerenicima osim Porezne uprave F BiH izvrši isplata obaveza koje su nastale po raznim vrstama ugovora i to za plaće zaposlenicima, naknade igračima i stručnom štabu, po ugovorima o djelu i ugovorima o privremenim i povremenim poslovima, isplate sudijama, redarima, medicinskom osoblju, obezbjeđenju, povrat pozajmica, te obaveze prema raznim dobavljačima i drugim povjerenicima u ukupnom iznosu od 1.270.908,07 KM, a putem cesija i kompenzacija u ukupnom iznosu od 337.209,76 KM suprotno članu 12. stav 3. Zakona o finansijskom poslovanju, sve u ukupnom iznosu od 1.608.117,83 KM,

na koji način je ovakvim poslovanjem, isključivo putem blagajne i putem obračunskog plaćanja (kompenzacija i cesija) za vrijeme svog mandata oštetio budžet F BiH, vanbudžetske fondove F BiH i budžet ZDK kroz neplaćene obaveze po osnovu doprinosa na i iz dohotka i porez na dohodak u ukupnom iznosu od 283.332,08 KM, te neplaćene obaveze po osnovu poreza i doprinosa iz ugovora o djelu i ugovoru o privremenim i povremenim poslovima u ukupnom iznosu od 101.701,27 KM, što sve ukupno iznosi 385.033,35 KM i na koji način je istovremeno UG NK Čelik pribavio imovinsku korist u istom iznosu,

Dakle, Nuhagić Adnan kao odgovorna osoba u Federaciji ne obavivši svoje službene dužnosti, drugom naneo imovinsku štetu i drugom pribavio imovinsku korist koja prelazi 50.000,00 KM, a Džidić Amir i Mešanović Mujo mu pomogli,

Čime su:

- osumnjičeni Mujezinović Zaim, Šabić Nermin, Porča Alija, Islamović Muamer i Nuhagić Adnan u radnjama opisanim pod tačkama I, II, III, IV i V počinili krivično djelo „Zloupotreba položaja ili ovlaštenja“ iz člana 383. stav 3. u vezi sa stavom 1. Krivičnog zakona Federacije BiH (KZ F BiH);
- osumnjičeni Kruško Senad u radnjama opisanim pod tačkom I počinio krivično djelo „Zloupotreba položaja ili ovlaštenja“ iz člana 383. stav 3. u vezi sa stavom 1. u vezi sa članom 33. KZ FBiH (pomaganje);
- osumnjičeni Asim Demiri u radnjama opisanim pod tačkama I i II počinio krivično djelo „Zloupotreba položaja ili ovlaštenja“ iz člana 383. stav 3. u vezi sa stavom 1. u vezi sa članom 33. KZ FBiH (pomaganje);
- osumnjičeni Stapić Zoran u radnjama opisanim pod tačkama I i II počinio krivično djelo „Zloupotreba položaja ili ovlaštenja“ iz člana 383. stav 3. u vezi sa stavom 1. u vezi sa članom 33. KZ FBiH (pomaganje);

- osumnjičeni Amir Džidić u radnjama opisanim pod tačkama II, III, IV i V počinio krivično djelo „Zloupotreba položaja ili ovlaštenja“ iz člana 383. stav 3. u vezi sa stavom 1. u vezi sa članom 33. KZ FBiH (pomaganje);